

# Guangjisi Minzcuz Bau

ganbbau: CN45-0036 B.2016 Nd.7 Ng.6 liggaueq bingjsaen nienz ndwenloegcosam

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3231期

## Cungzcoj Banh Bouxboqyaem Bouxcuiciz Gvangjbo Densi Vahcuengh Beizyinbanh

### 崇左举办壮语广播电视播音员主持人培训班

Mboengqneix, bi 2016 Cungzcoj Si bouxboqyaem bouxcuiciz Vahcuengh beizyinbanh youq Cungzcoj haiban. Baez beizyin neix youz Cungzcoj Si Minzveij、Si Gvangjbo Denyingj Densigiz、Cungzcoj Densidaiz daengj lai aen danhvei lienhab banh. Daengx si 36 boux si yienh song gaep bouxboqyaem bouxcuiciz Vahcuengh gvangjbo densi daengj camgya beizyin. Beizyinbanh iucingj yienzlaiz Guengjsae Densidaiz bouxboqyaem Vahcuengh

Bi Hansiengz lauxsae daeuj hwnj-dangz. Gocwngz baugvat hong dajdaej boqyaem Vahcuengh caeuq sinhvwnz ciendaiz boqyaem gaiyau、fap giuj fanhoiz Vahcuengh gvangjbo densi daengj. Gyoengq boux camgya beizyin haenx doxgyau gij gingniemh boqyaem cuiciz caeuq fanhoiz, beizyin hozdung yaujoj haemq ndei.

Seizneix, Cungzcoj Si Dendaiz、Densidaiz gaenq hailaeb miz lanzmoeg Vahcuengh, gizdieg guenjeix 7

aen yienh(si、gih) hix cungj miz Vahcuengh gvangjbo densi lanzmoeg, saedyienh le youq gizdieg yienh、si cienzbouh cwgoemq Vahcuengh gvangjbo densi lanzmoeg. Aen vej neix banh geiz beizyinbanh neix cujyau dwg daezsang hongsaeh suijbingz bouxboqyaem bouxcuiciz Vahcuengh daengx si, caemhcai q vih son'gyauq buek vunzcai yingjsi gvangjbo Vahcuengh bonjdieg dwk-roengz giekdaj.

(Luz Gunh/陆琨)

### Yungzsuij: Fungcingz Gofoux Hawj Vunz Maez



#### 融水: 风情 歌舞醉游人

6 nyied 27 hauh banhaemh, Liujcuh Si Yungzsuij Myauzcuz Swciyen banh Myauzcuz minzsuz fungcingz gofoux comzyienj, 10 lai aen cezmu minzsuz baijyienj Myauzcuz guh hong、baenzgya doxgyaeg fungsug caeuq buhvaq minzcuz daengj yinx ndaej haujlai bouxyawj daeuj yawj. Ndaw doz dwg yenjyenz biujyienj minzsuz gofoux 《Laeujhaeux Homfwd》.

(Lungz Dauh/龙涛)

## Laizbinh Si Yungh Sam Aen Banhfap Doidoengh Hong Minzcuz Doxgiet Senhconz Gyauyuz

### 来宾市三举措推动民族团结宣传教育工作

Bi 2016 doxdaeuj, Laizbinh Si yungh sam aen banhfap, haenqrengz haiguh hong minzcuz doxgiet senhconz gyauyuz.

It dwg gak fuengmienh senhconz. Youq gunghyenz、gvangjicangz、gaihaw、lajmbanj、hagdangz daengj dieg, doenggvaq “bak mbaw banjbau、cien diuz baengzhoengz、fanh bonj swliu caeuq fanh diuz saenqsik” haenqrengz haiguh senhconz hozdung, caux ok minzcuz doxgiet cinbu senhconz gyauyuz heiqaenh ndei; yungh Laizbinh Yizbau、Laizbinh Si

Densidaiz、Guengjsae Densidaiz daengj meizdij haiguh ciendaiz senhconz bauqlwnh 60 lai diuz(bien).

Ngeih dwg yungh hagdangz diemjguhyienh senhconz. Youq Hinghbinh Gih Minzcuz Siujyoz、Ginhsiu Minzcuz Siujyoz、Vujsenh Yen Minzcuz Cunghyoz hagdangz guhyienh haiguh minzcuz vwnzva cawjdaez saedguh hozdung hingzsik lai yiengh, coicaenh minzcuz vwnzva swnjcienz, lij leihyung senhconzlanz、hagdangz gvangjbo daengj lai cungj fuengsik haenqrengz senhconz minzcuz

cihsiz.

Sam dwg giethab ngoenzcienz angqhoh hozdung senhconz, youq “sam nyied sam” daengj ngoenzcienz hozdung geizgan banh minzsuz vwnzyi comzyienj caeuq minzcuz conzdungj diujyuz doxdax lai cungj lai yiengh, youq hozdung seiz, cab haeuj minzcuz cwngecwz senhconz caeuq minzcuz doxgiet neiyungz cezmu comzyienj, hawj guengjdaih beksingq youq camgya hozdung seiz ciepsouh minzcuz doxgiet senhconz gyauyuz.

(Mungz Gyahho/蒙家贺)

## SIUSIK DINJ

### 简讯

● 6 nyied 28 hauh, Yungzsuij Myauzcuz Swciyen Fuzbinzban、Fulenz lienhab youq Hungzsuij Yangh Cinminz Cunh banh mbanj-gungzhoj bouxguh naz dinfwnz saedyungh nem mehmbwk ranzgungzhoj dinfwnz saedyungh beizyinbanh, 50 lai boux mehmbwk Myauzcuz ranzgungzhoj camgya dinfwnz dajciengx、dajndaem beizyin.

(Liu Swjyenh)

● 6 nyied 28 hauh, Mungzsanh Yen banh gijgwncienz senhconz hozdung, doenggvaq baij gijgwncienz senhconz canjbanj、fat swliu senhconz caemhcai banh gijgwncienz miz ciengj cihsiz camdap daengj hingzsik, haiguh gijgwncienz senhconz hozdung, caenh'itbough demgiengz gij yisiz ndaw-bienz gijgwncienz, baujmaenh beksingq gijgwncienz.

(Gvanh Sinh Cai Cunghgez)

● 6 nyied 26 daengz 27 hauh, Vanzgyangh Mauznanzcuz Swciyen banh “ciet-faenlungz Mauznanzcuz” conzdungj hozdung, hawj gak cuz beixnuengx doxcomz doxrop. Aen hozdung neix yinx ndaej haujlai hekyouz daeuj yawjngonz, hawj saujsu minzcuz vwnzva ndaejdaengz engq ndei baujhoh、vatcimh caeuq swnjcienz roengzbae.

(Danz Su'myauz)

● 6 nyied 29 hauh, Cingsih Si Minzcuzgiz mizgven bouxucwz bae daengz aen si neix Gizyangz Cin Dungzyenz Cunh haiguh “caet it” cunzcam hozdung, soengq doxgaiq caeuq ngaenzcienz hawj dangjyenz gungzhoj.

(Yangz Boz)

● Vih gyalae g dangjyenz lajmbanj roxyiuj “song hag it guh” hozdung, Gunghcwngz Yauzcuz Swciyen Sihlingj Yangh Yangzhih Cunh Dangj-cihbu, cauxmoq hozdung caidij, youq “caet it” gaxgonq haiguh baenzdauq “song hag it guh” cihsiz doxdax hozdung.

(Couh Binjciuh Vangz Hozsinh)